



## საქართველოს იუსტიციის უმაღლესი საბჭო

ქ. თბილისი № 1/72

„ 17 „ ივნისი 2021 წ.

### ბ ა ნ კ ა რ ბ უ ლ ე ბ ა

ა. კალატოზიშვილის თბილისის საქალაქო სასამართლოს სისხლის სამართლის საქმეთა საგამომიებო, წინასასამართლო სხდომისა და არსებითი განხილვის კოლეგიის მოსამართლის თანამდებობაზე უვადოდ გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4<sup>1</sup> პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, არსენა კალატოზიშვილი 2021 წლის 18 ივნისიდან გამწესდეს თბილისის საქალაქო სასამართლოს სისხლის სამართლის საქმეთა საგამომიებო, წინასასამართლო სხდომისა და არსებითი განხილვის კოლეგიის მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

საქართველოს უზენაესი სასამართლოს თავმჯდომარე  
საქართველოს იუსტიციის უმაღლესი საბჭოს თავმჯდომარე

## დასახუთება

### არსენა კალატოზიშვილის თბილისის საქალაქო სასამართლოს მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2021 წლის 22 თებერვლის №1/6 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის საქალაქო სასამართლოს სისხლის სამართლის საქმეთა საგამომიებო, წინასასამართლო სხდომისა და არსებითი განხილვის კოლეგიის მოსამართლის 8 ვაკანტურ თანამდებობაზე.

კანდიდატთა რეგისტრაცია მიმდინარეობდა 2021 წლის 23 თებერვლიდან 9 მარტის ჩათვლით. მითითებულ ვაკანსიაზე დარეგისტრირდა 18 კანდიდატი.

მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის არსენა კალატოზიშვილზე მოძიებულ იქნა „საერთო სასამართლოების შესახებ“ საქართველოს ორგანული კანონის 35<sup>2</sup> მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2021 წლის 29 მარტს.

#### **კანდიდატის შესახებ მოძიებული ინფორმაცია:**

არსენა კალატოზიშვილს აქვს სპეციალობით მუშაობის 14-წლიანი, მათ შორის მოსამართლედ მუშაობის 7-წლიანი გამოცდილება. იგი საერთო სასამართლოების მოსამართლეა 2012 წლის 28 ნოემბრიდან. არსენა კალატოზიშვილი იყო ზესტაფონის რაიონული და საჩხერის რაიონული სასამართლოების მოსამართლე. ამჟამად იგი არის თბილისის საქალაქო სასამართლოს სისხლის სამართლის საქმეთა საგამომიებო, წინასასამართლო სხდომისა და არსებითი განხილვის კოლეგიის მოსამართლე.

არსენა კალატოზიშვილს აქვს საქმეთა განხილვის კარგი მაჩვენებელი როგორც პროდუქტიულობის, ისე სტაბილურობის კუთხით. მოღვაწეობის ბოლო 3-წლიან პერიოდში დასრულებული აქვს 1297 საქმე (საშუალოდ დღეში 1,3 საქმე), ხოლო გასაჩივრებული გადაწყვეტილებებიდან უცვლელი დარჩა საქმეთა 100%. განსაკუთრებით აღსანიშნავია არსენა კალატოზიშვილის მიერ საქმეთა განხილვისას საპროცესო ვადების დაცვის მაჩვენებელი, კერძოდ, მას საქმეთა 100% განხილული აქვს საპროცესო ვადების დაცვით.

მოსამართლედ მუშაობის პერიოდში მის მიმართ არ დაწყებულა დისციპლინური დევნა, არ ყოფილა გამოყენებული დისციპლინური სახდელი ან დისციპლინური ზემოქმედების ღონისძიება.

#### **კანდიდატთან გასაუბრება:**

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ არსენა კალატოზიშვილს გაესაუბრნენ 2021 წლის 2 ივნისს. გასაუბრება წარიმართა ღია სხდომაზე.



**კანდიდატის შეფასება:**

2021 წლის 7 ივნისიდან 11 ივნისამდე პერიოდში იუსტიციის უმაღლესი საბჭოს 12-მა წევრმა კანდიდატი არსენა კალატოზიშვილი შეაფასა კომპეტენტურობისა და კეთილსინდისიერების კრიტერიუმების მიხედვით.

არსენა კალატოზიშვილის კეთილსინდისიერების კრიტერიუმით შეფასებისას, საბჭოს შემფასებელმა 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა წევრმა მიიჩნია, რომ აკმაყოფილებს.

საბჭოს წევრთა მიერ არსენა კალატოზიშვილის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1023 ქულა, რაც ქულების მაქსიმალური რაოდენობის 85.25%-ია.

**კენჭისყრის შედეგები:**

2021 წლის 17 ივნისს თბილისის საქალაქო სასამართლოს სისხლის სამართლის საქმეთა საგამომიებო, წინასასამართლო სხდომისა და არსებითი განხილვის კოლეგიის მოსამართლის მე-2 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 12-მა წევრმა მიიღო, არსენა კალატოზიშვილმა მოიპოვა 11 ხმა.

აღნიშნულ ვაკანსიაზე ბიულეტენში შეყვანილ იქნა 15 კანდიდატი, მათგან 7 მოქმედი პირველი ინსტანციის მოსამართლე, 2 ყოფილი მოსამართლე და 6 იუსტიციის უმაღლესი სკოლის ყოფილი მსმენელი, კერძოდ:

- |                                  |                                |
|----------------------------------|--------------------------------|
| 1. ბებია ეკატერინე - 0 ხმა       | 9. ნარიმანიშვილი დავით - 0 ხმა |
| 2. ბიჭია შოთა - 0 ხმა            | 10. ნაჭყებია ნინო - 0 ხმა      |
| 3. გორგაშვილი სანდრო - 0 ხმა     | 11. ტყეშელაშვილი რომეო - 0 ხმა |
| 4. კალატოზიშვილი არსენა - 11 ხმა | 12. ყოლბაია ლევან - 0 ხმა      |
| 5. კაპანაძე თორნიკე - 0 ხმა      | 13. შკუბულიანი ლელა - 0 ხმა    |
| 6. ლობჯანიძე გიორგი - 0 ხმა      | 14. ჭილაია ვოტე - 0 ხმა        |
| 7. მაისურაძე მადონა - 1 ხმა      | 15. ხარჩილავა ხათუნა - 0 ხმა.  |
| 8. მაკარაძე დავით - 0 ხმა        |                                |

**დასკვნა:**

კანდიდატ არსენა კალატოზიშვილის კეთილსინდისიერების (საბჭოს 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს) და კომპეტენტურობის (სამართლებრივი დასაბუთების უნარის, სამართლებრივი ნორმების ცოდნის, წერის უნარის) კრიტერიუმების გათვალისწინებით, კენჭისყრის შედეგების საფუძველზე, სხვა კანდიდატებთან შედარებით უპირატესობა მიენიჭა და შესაბამისად, თბილისის საქალაქო სასამართლოს სისხლის სამართლის საქმეთა საგამომიებო, წინასასამართლო სხდომისა და არსებითი განხილვის კოლეგიის მოსამართლის თანამდებობაზე უვადოდ, კანონით დადგენილი ასაკის მიღწევამდე განწესდა არსენა კალატოზიშვილი.

ნიკოლოზ მარსაგიშვილი  
საქართველოს იუსტიციის უმაღლესი საბჭოს მდივანი